

de l'année 1642. & 1643. 327

quand ils viendroient à la chasse des Hurons,
& des Algonquins: mais le Pere mesprisant sa
vie, rescrivit aux François, que sa considéra-
tion ne les empeschast point de faire tout ce qui
seroit à la plus grãde gloire de nostre Seigneur,
ne voulant pas estre l'occasion que quelques
François, ou quelques pauvres Sauvages fus-
sent surpris & massacrez par ces Barbares.
En fin ce pauvre Pere estant arrivé en An-
gleterre: comme luy-mesme l'a mandé. Les
Hollandois descendirent à terre, pour s'aller
vn petit rafraischir de la mer, & d'vn long
voyage, quelques voleurs Anglois entrans
dans la Barque, & n'ayãts trouue que le Pere
tout seul, la pillerent, & luy raurerent & em-
porterent le manteau & le chapeau, que les
Hollandois luy auoient donné. Vous aurez pu
voir par les siennes, en quel equipage il arriva
en France. Pour conclusion, il est aussi gay,
comme s'il n'auoit rien souffert, & aussi zelé
pour retourner aux Hurons, parmy tous ces
dangers, comme si les perils luy estoient des
assurances, il s'attend bien de repasser vne au-
trefois l'Ocean, pour aller secourir ces pauvres
peuples, & acheuer le sacrifice encommencé.

A Rennes ce 14. de Ianuier.